

辰谿縣志

辰谿縣志

辰谿縣志卷之九

城池志

城以衛民義取設險邑自辰陽遷縣今治背山面水亦險塞之區也第向未建城自前明來始築土城繼易以石至今賴之經營創建之跡胡可畧歟作城池志

辰谿新舊縣治自漢至明初皆未建城正統十四年靖州清水江苗焚掠縣治公私廬舍皆燬景泰二年知縣杭宗道始築土城僉事洪昌遣官督徒

後千五百人總戎陳友督荆陵征苗兵五百人以
助凡七月而成周環四百七十丈有奇東西北各
一門南二門統爲五門宏治十五年圯都御史攝
分守兵備道閻仲宇會議重修嘉靖三十九年夏
大水衝陷南城知縣楊貢修復城垣創建譙樓隆
慶五年夏水漲尤甚南城盡崩知縣吳春重修萬
歷九年知縣熊桂芳議改石城未果三十六年四
月江水漲十數丈西南盡傾又東城一帶亦多圯
知縣曹行健始因舊址改建石城計二百餘丈

城樓二座復依城爲臺創文昌閣於儒學西懸石額於中南門曰雲貴鎖鑰後西北門復圯四十一年知縣左天德皆易以石修砌之

本朝乾隆六十年苗匪滋擾近縣西南村落多被焚掠知縣陳錫綺以沿城雉堞久經圯毀率附郭紳士分門督工修築土牆設垛口以資捍衛道光元年知縣唐守讓捐建東門城樓一座修砌石牆九丈六尺併補葺上南門中南門西門北門城樓及各門女牆

縣城坐北朝南前臨河坎後依高山周圍城垣計二里三分四百二十二丈高一丈一尺至一丈四尺不等厚一丈至一丈三尺不等門五曰東門西門上南門中南門北門城樓五座

按辰邑縣治前臨大江後倚熊首雙溪繞其左錦崖環其右誠所謂小而固者是以前明曹令額中南門曰雲貴鎖鑰乾隆六十年苗匪滋擾洊及辰境對河西鄉而縣治卒保無恙時教諭李隆禮有江水賢於十萬師之句信不誣矣第

考舊志明正統間靖州清水江苗焚掠縣治公
私廬舍皆燬其時蓋未有城也然則山谿之險必
兼城池之固而後有所藉以守是城也前數令
創建修葺之功誠非淺鮮後之蒞斯土者能勿
加之意乎

關隘志

附

辰陽關縣南五里

木洲關縣西二十里

按縣西二十里併無木洲地名當卽縣東十里木洲之誤

渡口鎮縣南一里方輿紀要舊有巡司今裁

晉市鎮縣南三十里

龍門砦宋乾德間置方輿紀要砦在縣南原作西三

十里宋初置尋廢復置元廢砦旁有龍門澗接麻

陽縣界

銅安砦府志作銅仁誤宋乾德間置宋史地理志辰溪有

龍門銅安二砦熙寧八年廢又以龍門銅安二砦

隸沅洲尋廢爲鋪以上關隘俱廢

山塘驛縣南三十里有集

辰谿縣志卷之十

津梁志

徒杠輿梁王政之一夏令所謂成於十月是已若夫江永漢廣非招舟子無由叶利涉之占是故造舟爲梁舟亦云梁津梁所由並重也辰邑路當孔道辰沅之所交滙谿澗爲之縱橫曰津曰梁民未病涉王道之蕩平著焉作津梁志

橋梁

縣治前沿河石橋九座

馬道邊一構皮灣一中南門外左右各一西門外一

新碼頭一靈官廟一柳樹灣一下廊廟一俱明萬歷知縣曹行健建善

堪輿謂邑治網形縣署高阜為網沿河石崖為脚帶沉納辰山川之秀聚焉乃於石崖隙處多建石

橋蓋將以通地氣而收朝水也

廣濟橋城東里許明萬歷丙申年建

霖濟橋城東二里

九岳橋城東三里

桑木橋城東八里

界牌均橋城東十五里

余家橋城南三里邑紳余鵬翔捐建府志作餘嘉橋誤

胡楊橋城南五里相傳胡楊二姓捐建

雙橋

一名婁媳橋

城南八里二橋合壁相傳婁媳二人

先後捐建

石牌鋪橋城南十里

寒岡鋪下橋城南十九里

寒岡鋪上橋城南二十里

下灣橋城南二十六里

碼子橋城南二十九里

溫水橋城南四十三里

八甲均北橋城南四十三里半

八甲均南橋城南四十六里

小龍門橋城南五十里

龍門溪橋

卽中河橋舊名從龍橋

城南六十里康熙三十三

年知縣沈天漢建四十二年水圯僧福文募修砌

石跨溪長二十餘丈寬一丈有奇亭二十間邑紳

米元侗有記

見藝文

雍正八年復圯邑人改建於溪

水狹處長十三丈亭十六間乾隆五十六年又圯

護理兵備道知辰州府事陳廷慶捐資倡修石橋

長十餘丈高五六丈寬丈餘石壁書有龍門溪橋

回頭是崖等字并著有記及詩刻於碑

詳藝文

近泉鋪橋城南七十里

犬山鋪橋

俗名跌馬橋

城南八十里

以上俱通雲貴驛路

住仙橋

舊名洗砂橋

城南里許洗砂溪口

烟戶橋

俗名矮橋

城南二里

接仙橋城南二里

會仙橋城南三里許

通仙橋城南七里

望仙橋城南九里

以上石橋六座俱邑紳劉澤捐建內接仙會仙橋圯其後人復

修乾隆五十三年望仙橋圯毀衆姓重建

高家橋城西十八里

新橋城西十九里

以上俱通鎮簞馬路

昌嗣橋東門外雙溪口舊名熊家橋在今橋下明邑紳熊翹楚捐建後爲水圯今遺址猶存

國朝康熙間鍾岐英乾隆二十七年鍾文朗先後募修於今所有亭十間今亡

羊溪橋城東五里

牛溪橋城東七里

府志作
遊溪誤

佛子橋城東七里明崇禎癸酉邑紳湯萬嵩建御
史米助國有記

桑黃橋城東七里王家坪

征溪橋城東十二里乾隆十二年建長十丈寬丈
餘舊有亭十四間今亡

筏槎橋城東十五里八家塘

清波橋城東十七里雍正四年邑貢生劉芳棡捐
建

下溪橋城東十八里下雙溪

上溪橋城東十八里許上雙溪

拱灣橋城東二十里修溪口乾隆十六年建

梓溪橋城東三十里

黃溪橋城東八十里

沙溪橋城東八十五里

石拱橋城東九十里石溪口

麻溪橋城東九十里

亭子橋城東一百里

豆腐橋城東一百一十里石墩木梁有亭十四間
桐灣橋城南二里

南行橋城南二里許邑紳劉澤捐建

節義橋城南三里明邑人曾校孀媳李氏捐建

國朝乾隆五十七年重修易名上關橋

迎仙橋城南三里許邑紳劉澤捐建

瓦子橋城南十二里

鎮溪橋城南十五里明時建太僕寺少卿滿朝薦
有聯刻於碑